

Broj: 04-30-673-47/21

Datum: 28.03.2022. godine

Na osnovu člana 64. stav (1) tačka a), člana 70. stav (1), (3) i (6) Zakona o javnim nabavkama („Službeni glasnik BiH“, broj: 39/14) i Preporuke Komisije za javnu nabavku broj: 04-30-673-46/21 od 28.03.2022. godine, u postupku javne nabavke roba - kancelarijskog materijala, pribora i drugog potrošnog materijala za 2022. godinu, zamjenik direktora Agencije za privatizaciju u Federaciji BiH donosi

ODLUKU o izboru najpovoljnijeg ponuđača

Član 1.

Prihvata se Preporuka Komisije za javne nabavke, broj: 04-30-673-46/21 od 28.03.2022. godine i Okvirni sporazum za nabavku roba - kancelarijski materijal, pribor i drugi potrošni materijal za 2022. godinu, dodjeljuje se ponuđaču „Defter-Komerc“ d.o.o. Sarajevo, ponuda broj: 01-03/2022 od 22.03.2022. godine, kao najbolje ocijenjenom ponuđaču.

Član 2.

Prijedlog Okvirnog sporazuma za nabavku roba, dostavit će se na potpis izabranom ponuđaču u skladu sa članom 32. Zakona o javnim nabavkama.

Član 3.

Za izvršenje ove Odluke zadužuje se Sektor za pravne poslove.

Član 4.

Ova Odluka objavit će se na web-stranici Agencije za privatizaciju u Federaciji BiH, u skladu sa članom 70. stav (6) Zakona o javnim nabavkama.

Član 5.

Ova Odluka stupa na snagu danom donošenja i dostavlja se, uz Zapisnik o pregledu i ocjeni ponuda, svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke, broj: 04-11-672/21 od 15.12.2021. godine.

Komisija za javnu nabavku imenovana je Rješenjem broj: 04-30-673-36/21 od 21.02.2022. godine.

Procijenjena vrijednost javne nabavke bez PDV-a je 17.090,00 KM.

Javna nabavka je provedena putem otvorenog postupka za dostavu ponuda. Obavijest o nabavci broj: 950-1-2-20-8-1/22 objavljena je na Portalu javnih nabavki dana 22.02.2022. godine.

Tendersku dokumentaciju preuzelo je šest kandidata/ponuđača.

Komisija za javnu nabavku dostavila je zamjeniku direktora Agencije 28.03.2022. godine Zapisnik o pregledu i ocjeni ponuda, broj: 04-30-673-45/21 od 28.03.2022. godine i Preporuku o izboru najpovoljnijeg ponuđača, broj: 04-30-673-46/21 od 28.03.2022. godine.

U postupku po Zapisniku o pregledu i ocjeni ponuda, utvrđeno je da je Komisija za javnu nabavku blagovremeno i pravilno izvršila otvaranje ponude i ocjenu prispjele ponude, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 1 (jedan);
- da je blagovremeno zaprimljena 1 (jedna) ponuda;
- da je neblagovremeno zaprimljeno 0 (nula) ponuda.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača, te ocjenu prispjele ponude, u skladu sa kriterijima iz tenderske dokumentacije.

U postupku ocjene provedenog postupka, rukovodilac ugovornog tijela nije našao razloge, nepravilnosti niti propuste u radu, koji bi eventualno bili osnov za neprihvatanje Preporuke Komisije za javnu nabavku. Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom. Uvidom u priloženu dokumentaciju, nesporno je da je izabrani ponuđač najbolje ocijenjen primjenjujući kriterij ekonomski najpovoljnije ponude.

Iz navedenih razloga, primjenom člana 64. stav (1) tačka a) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba, najkasnije u roku od 10 (deset) dana od dana prijema ove Odluke.

Dostaviti:

- ponuđaču
- Sektoru za pravne poslove
- a/a



ZAMJENIK DIREKTORA

Drago Vrbić